

سروش

سر ۶ ۱ ۳۰ ۳ ۱

والله يهدي من يشاء الى صراط مستقيم دینی ، علمی ، ادبی ، سیاسی هفته‌لق بمجموعه اسلامیة در
اتبعون اهدکم سبیل الرشاد

صاحب و مدیر مسئول : ح . اشرف ادیب

عرب تاریخ ادبیات

ابوالعلاء معری

انبیا و ادیان معنیه کی فکری

مابعد

بم فکرمه کوره بوسوزلرک ایکی درلوسنی ده سویله مشدر .
اولجه ده سویلدیکم کبی معری، دیگر فلاسفه لاهوتک طرز تفکرندن
خارج بریول طومش دکدر . اوده اونلر کبی دوشونمش ، اونلر
کبی استنتاج ایش ، اونلر کبی تصدیق ، اونلر کبی تکذیب ایش ،
دلیلک آرقه سندن قوشمش ، اونلرک برابر دوشونمش طولاشمشدر .
فیلسوفک شعرلری آره سنده کی ترتیبی بیله یدک ، اک صوک
فکرینه ، اک یکی مذهبه واقف اولمش اولوردق . لکن تاریخلری
مجهولدر . اوحالده « فیلسوف ، بوسوزندن دوشمشدر ، یوق آکا
قائل اولمشدر . » کبی حکملره عقلی باشنده هیچ برکیمسه راضی
اولاماز . بزم ایچون یالکیز بریول واردر ؛ اوده : فیلسوف ، آثار
قدرتی تتبع ایدرکن اولمشدر دیمکدر ؛ ابوعثمان الجاحظ وسائرده
(نظر ایدرکن فقط حقه واصل اولادن اولن ؛ مطیعاً اولمش دیمکدر ؛
چونکه نظرک وجوبی وبوخصوصه بذل جهد حقنده کی امرالهی به
امثال ایده رک اولمشدر ؛ حق تعالی هرکسه آنجق وسی مرتبه سنده
تکلیف ایدر .) تصریحده بولونیورلر .

شیمدی ، شوجهت قالدی . بری چیقارده شویله دییه بیلیر :
« حق صریحه قارشی بوتردد نه ، حضور یقینه بوشک ، موضع
هدایتده بو حیرت نه ؟

بونه نهایتسز صاپیتغانلق ؟ بو حال ؛ عقلک ضعیفلکنه ، فکرک
طورغونلغنه ، نظرک قیصه لغنه دلالت ایتزمی ؟ هرکسک مظهر هدایت
اولدوغی مسائله حیرتله دوچار اولق ، عالمک یقین کسب ایتدیکی
امورده شکدن قورتولاماق ؛ اعتقادک فنا لغنه ، باطنک بوزوقلغنه ،
نظرک قیصه لغنه بر دلیل دکلدر ؟

معری به هرکسک طوتدینی یولی طومق ، بوسوسه لردن یاقای
صیرمق اولادکی ایدی ؟ « بن ، اوکا دیرم که :

« عزیزم ، برآزیاواش اول . عقیده لر صائق اوزره اورته به
آتش ، قیمتی انه کچن هرکسک آلابیله جکی برقاش دکدر ؛ اونلر
سمای عرفانده پرواز ایدن ارواح کریمه در ؛ انسان اونلرله کندی
روحنی تألیف ایتک ایستر ، بوکا موفق اولونجه آرتق یورکی راحت
ایدر . بردرلو اینانامادینی ، بل باغلا یامادینی ، یاخود شک ایتدیکی
شیلری قلبه صوغه قالدیشرسه بوبره کی ایله طحالی آراسنده بردرده
اوغرایوبده بوتون عمرنجه سورن ، هیچ برعلاج کار ایتمین
برخسته لکه طوتولان برآدمه بکزه مش اولور . بودردک سائر
اعضایه ده سرایت ایده رک حرکتدن آلیقویماسی ده حسابده واردر .

نظر ایدوب ، آراشدیروبده حقه واصل اولمایان ، یاخود نیتی

فنا اولمادینی حالده آیانی باطله طوغرو قایان آدم ؛ تقلیداً حق قبول
ایدن آدمدن خیرلی در . چونکه : تقلید ؛ حقه اولدوغی کبی
باطلده ده اولابیله ، ضررلی شیلرده حاصل اولدوغی کبی نافع
شیلرده ده بولونه بیلیر . او ، پک بویوک برضرردر ؛ حیوان ، تقلیده
معذور اولابیله ؛ فقط انسان ایچون ناخوشدر .

عبرت آلامره :

معری ؛ بوتون بوصایوب دو کدیکمز افکارینی ؛ قرون وسطاده ،
ظلم واسه تباداد ، حریت عقلدن محرومیت ، دین نامنه حکمرانلق
کونلرنده تصریح ایدیور . او کونلرده که : وزیرلر ، یا جامد برفقیه ،
یا بر بدلا اولورلردی . او کونلرده که : بر آدمک آفرندن چیه جق
برکله ؛ یکرمی بیک کشی بی فضله ، براوقدری ده مجدوشرفه سوق
ایده بیلردی ؛ حریت دینه ، حریت مطبوعات ، حریت نشریات ،
حریت اعتقاد ونظر یوق . عقول وافکار ، زنجیرلرله باغلی . برکله ؛
بر آدمک حیاته مال اوله بیلیر ، کندی اولدکدن صوکر عائله سی ده
حصه مند فلاکتی اولور . حاصلی اک قراکلق کونلرده . . .

معری بوسوزلری ، اویله برزمانده سویله دی ، هیچ برظالمک
قورقوسی ، هیچ بر حاکم هیبتی ؛ فکری آچیقجه سویله مه سینه
مانع اولامادی .

یوکسک سسله باغیردی ، فکری جهراً اعلان ایتدی . حال بوکه
کیمسه سز برآدمی ؛ نه بر خاندان حکمداری به منسوب ، نه بر پادشاهک
وزیری ایدی . حاکمه رشوت اولارق ویریه جک مالی یوقدی ،
عندالحاجه مترس کبی قولانلق اوزره بویوکارله اوغراشان شعرلری ده
یوقدی . بونلری ، ایکی مجلسک ایچنده یازدی : او وکوز . سنده
اوتوز دیناره بالغ برکلیری وار ایدی ، بوتون مامکی بوندن عبارت
ایدی ؛ او ، بر چکرکه ، بر مایمون قدر فقیر وحقیر ایدی . فقط
بونلرک هیچ بری ؛ قناعات فکریه واعتقادیه سنی سربسته ججه سویلکه
مانع اولامادی . [۱]

مترجمی

عبدالله الطیف نوزاد

تشیخ

قیلیج دینی

سکزنچی باب

بنی اسرائیل و یهودا حکومتی

[بو بابک اوست طرفی کچن نسخه ده]

بو سوز دوغرو چیقدی . « قوراللق اوقدر دوام ایتدی که : (افرایم)
و (زبولون) سبطلرینه مخصوص منبت ، یشیل وادیلر و اووالر حرارتک ،
صوسزافک تأثیریه قاورولدی قالدی ؛ بیکارلر ، قوبولر ونهرلر قورودی ؛
حکمدارلرک ذاته مخصوص بارکیرلری وایشکلری دیورمغه کافی اوت

[۱] سبیل الرشادک معری حقنده سویله جکینی وعد ایتدیکی سوزلره

کله جک هفته انتظار ایدیلدی در .